

eiusdem Ordinis prædicatorum omnia priuilegia concessa, à Sede Apostolica generalibus tam sui ordinis, quam aliorum. Ergo poterit prouincialis declarare quod non valet amplius illi fratri suo potestas concessa & commissa. Item probatur quia per Breue Adriani. 6. habet Prouincialis omnimodam Papæ auctoritatem in utroque foro, ergo auctoritate Papæ tam magna poterit tollere. Et hæc priuilegia sunt communia omnibus ordinibus medicantium, per communicationem priuilegiorum. Constat ergo prouinciales harum Indiarum plenariam habere auctoritatem ad tollendam licentiam commisionem, & auctoritatem utendi priuilegiis sibi concessis, ubi & quando iuste eam tolli debere, existimauerint. Dixi iuste, nã sine iusta causa, peccabunt eam tollendo: cum talis facultas sit a Papa: at tenebit factum: quod debent notare fratres, ne a liquid temere attentent. Hæc ex doctissimo patre Illephonso de Noreña ordinis patris nostri sancti Domini. q. 6. de Priuilegiis in communi, & ex magistro Alphonso à Veracrucce, in Compendio Indico, verbo, Absolutio. Idem prorsus doctissimus frater Emanuel Rodericus To. 1 qq. regu. & canoni. q. 17. art. 11.